

故宮
珍本
叢刊

皇

故宮博物院編

清

海南出版社

文

第五冊

共五冊

穎

故宮珍本叢刊第 650 冊清代詩文總集

故宮博物院編

皇清文穎

第五冊（共五冊）

海南出版社

圖書在版編目(CIP)數據

御選唐宋元明詩/(清)聖祖選編.-影印本.-海口:海南出版社,2000.10
(故宮珍本叢刊)

本書與“宋元詩會/(清)陳焯編”等9種書合訂

ISBN 7-80645-752-6

I. 御… II. 聖… III. 文學-作品綜合集-中國-古代 IV. Z121.7

中國版本圖書館 CIP 數據核字(1999)第 68763 號

故宮珍本叢刊第 650 冊

清代詩文總集

皇清文穎

第五冊(共五冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:23 印數:1-400 冊

ISBN 7-80645-752-6/Z·29

定價:4170 元(清代詩文總集 10 種共 27 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

皇清文頴卷七十一

詩

七言律詩

淵鑑齋觀魚

理密親王允祜

漱灑波光傍玉除，修鱗游泳自舒徐。
依蒲藉藻羣相得，舞濶搖深縱所如。
百道飛泉當檻合，一泓清鏡入牕虛。
臨流到處歌於物，總被汪洋

聖澤餘

皇清文頴

卷七十一 詩

一

太液新柳

理密親王允祜

御苑垂楊二月時，銀塘曲曲正流澌。
回環水映青羅帶，浩蕩春融碧玉枝。
一片輕陰依鳳沼，千條嫩葉拂龍池。
靈和昔日風流甚，不及當今雨露滋。

慶雨

理密親王允祜

三時農事重時和

聖主精誠感召多，梅雨平添三尺水。
麥秋還聽兩岐歌，神臯積潤融青壤。
繡龍清風荷綠蕞，芳草垂楊村

畔路可知沾灑盡

恩波

陪

駕幸五臺山

理密親王允祜

鳳剎虹幡碧落懸，盤空磴道白雲穿。
上方恍在諸天外，積雪疑從太始前。
山號清涼澄法界，地開功德引飛泉。
曼陀花雨紛紛落，總爲

君王種福田

皇清文頴

卷七十一 詩

二

菩薩頂雪月

理密親王允祜

山川皎潔一時勻，始信空王道力真。
蓬海三千皆種玉，絳樓十二不飛塵。
侵衣夜色渾疑晝，繞座寒光未覺春。
總爲

聖神徵瑞應，萬年有道福駢臻。

金蓮花

理密親王允祜

塞外奇葩帶瑞烟，却從陸海吐金蓮。
名同西華原無別，色借中央倍覺妍。
映日似分黃繖影，臨風欲傍

御袍鮮承

恩入夜還蒙

召寶炬先排

法駕前

恭侍

聖駕閱視河隄

理密親王允祜

河干芳草正萋萋

輦路逶迤接大隄新綠漸添楊柳岸春烟多在杏花

皇清文頌

卷七十一 詩

三

溪

行宮日近千官集平野雲連萬幕齊淮浦昔聞憂水

國祇今瑞麥滿平畦

湖心亭

理密親王允祜

鳳舫龍舩任溯洄波心突兀起樓臺盤旋水向中間

繞淡遠山從四面來照眼雲霞隨日麗忘機鷗鷺拂

波迴笙歌迭奏

宸襟合願挹梅花獻

壽杯

玉蘭

理密親王允祜

龍蔥芳樹倚雲端仙掌亭亭映玉欄開處每知春欲

半飛來却訝雪初殘瑤臺日麗生香暖湘浦風高入

珮寒一自天隨題句後木蘭舟上好同看

榴花

理密親王允祜

上林開過淺深叢榴火初明

禁院中翡翠簾垂新葉綠珊瑚筆映好花紅畫屏帶

皇清文頌

卷七十一 詩

四

雨枝枝重丹竈蒸砂片片融獨與化工迎暖律年年

芳候是薰風

檣燈

理密親王允祜

微茫暝色起前川萬盞紅燈颭浪圓高拂林梢明碧

漢倒迴水底麗珠躔光澄烟霧遙如靚影射蛟龍夜

不眠知是

御舟經宿處衆星盡拱北辰懸

過天津衛

理密親王允祜

津門形勝

帝京東襟帶滄瀛左輔雄際海雲霄瞻日近滿城烟
火慶年豐千村鹽莢熬波白萬里帆檣浴浪紅最是
昇平王會盛梯航絡繹此來同

賦得青歸柳色新

理密親王允祜

春光淡漣午風和一色垂楊碧縷搓淺黛乍沾新雨
足輕陰偏傍野橋多坐當密處鶯先覺淙到深時水
欲波造物無私如有意片帆未遣拂烟過

皇清文頌

卷七十一 詩

五

吳中農家多莠菜春深黃花遍野偶賦

理密親王允祜

細節金粟綴瑤簪短陌長阡一色深斜帶柳隄黃不
辨界開麥隴綠微侵香來四面梅檀海綺散千郊錦
繡林未識東皇陶鑄巧風光總入荷鋤吟

飛來峰

理密親王允祜

靈鷲高峰儼畫屏飛來竺國記圖經危梯下瞰呼猿
洞遠靄遙連放鶴亭樹不辨名濃淡綠

樵人言山樹約四百種多

不能辨石如染黛淺深青意行更喜泉聲徹琴筑冷然

盡日聽

竹花

理密親王允祜

爲愛臨流鳳尾斜不將丹粉鬪春華貞姿已放千梢
翠脩幹深垂萬籬花月影忽篩紋錯落風莖未改骨
槎枒多應預兆江郎夢班管紛披五色霞

冬至陪祀

南郊

恒溫親王允祺

皇清文頌

卷七十一 詩

六

金闕鐘鳴夜未闌南郊濟濟會千官

乘輿已命蒼龍駕鹵簿遙趨太乙壇自幸隨班瞻盛
典正逢吹管送嚴寒河清海晏年年慶每向
圓丘侍玉鞍

皇太后萬壽無疆詩

恒溫親王允祺

西池廣樂奏鈞天凝望璇宮起瑞烟梅吐一枝香正
承賞針三葉曆方綿須知寶殿承歡日總是
慈闈強飯年自愧稱觴無以佐惟歌小雅九如篇

乾清宮侍宴

恒溫親王允祺

仙禁初舒一葉黃
瑞雲時向玉階停
堯樽香滿春前舉

天語溫多醉後聽
無限恩光分几席
始知樂事聚家庭
年年此際陪歡宴
四海雍和萬類寧

奉

詔舉家得遊

御園詩以誌喜

恒溫親王允祺

皇清文穎

卷七十一 詩

七

無限恩光下九天
欣看盡室賦遊仙
漫從瑤草琪花裏
直到銀河閬苑邊
樓閣開時霞氣湧
山巒起處日光懸

君玉定有那居慶
稽首還歌在藻篇

恭和

御製餞大學士李光地暫回閩省詩

淳度親王允祐

理學淵源誦大儒
位隆鼎鼐贊

皇謨虞廷昔日都俞美

聖世今朝德澤敷
暫向南閩歌泰運
還瞻北斗憶乾符

恩榮此際賡歌盛

睿藻秋風餞遠途

玉蘭花應

制

淳度親王允祐

艷陽春藹正芳時

皇清文穎

卷七十一 詩

八

鳳閣花開碧玉姿
彷彿淡雲凝寶樹
依稀白露綴瓊枝
氤氳香氣浮烟篆
皎潔清光泛水池
得侍膝前同勝賞
咸歌膏澤沛恩滋

熱河夏日卽景

淳度親王允祐

四面垂陰覆綠楊
深深庭院晝方長
半牀占帖從容賞
一縷清烟自在香
卷幔不知炎日苦
披襟正值午風涼
閒來一望無窮趣
簾外山光接水光

賦得殿閣生微涼

淳度親王允祐

好風應候自南方習習吹來殿閣涼苑外每搖楊柳
綠水邊時送菱荷香消將暑氣都應盡解却煩心頓
已忘長日飄飄人自得遠天不覺又斜陽

暢春園夏日應

制

淳度親王允祐

佳辰又喜逢深夏是處園林帶早涼岸外綠楊垂似
帶枝間好鳥囀如簧人家共被薰風遠物類齊欣化
日長歲歲年年依

皇清文頌

卷七十一 詩

九

膝下晨昏咫尺接

恩光

尾

駕祀

方澤

淳度親王允祐

炎炎九夏景方中喜見

方丘大禮崇長日更勞

天子駕順時特報

地祇功羣瞻肅肅馨香薦共睹雍雍俎豆豐自是至
誠能感格和風甘雨樂融融

南郊禮成恭紀

淳度親王允祐

龍樓向曉

鑾輿發肅肅

郊壇舉舊章仰看九霄星尚燦喜逢萬國日初長樂
和並奏簫韶響禮獻同瞻俎豆光有道太平開景運
相觀雲氣盡凝祥

皇清文頌

卷七十一 詩

十

望

陵

淳度親王允祐

祥烟佳氣擁層巒鬱鬱葱葱作大觀四野迴環如鳳
翥諸山高聳似龍蟠規模直向天中起形勢疑從掌
上看整轡遙思

前代烈

興朝基業萬年安

尾

駕謁

陵

淳度親王允祐

迢遙一望鬱蒼蒼烟靄雲嵐帶瑞光萬代共瞻

先澤遠

一人親展孝思長山前細聽簫韶奏松下時陳俎豆
香盡仰發祥從此地自今永世下遐昌

桃花寺

行宮

淳度親王允祐

皇清文穎

卷七十一 詩

十一

桃花古寺接崔嵬鬱鬱烟雲帶曉開塞外新瞻

行殿聳天邊常喜

翠華來人過池影冰初合僧誦經聲日幾迴處處太

平風景好

宸遊獨幸得追陪

早朝

淳度親王允祐

曉入天街漏未闌遙瞻瑞色滿

朝端輝煌銀燭連星燦縹緲紅雲帶露看仗下龍旗

紛五色

殿前鸞序集千官太平

聖主垂裳日拜舞呼嵩萬國歡

送

駕

淳度親王允祐

欣逢

聖世舉時巡况復良辰正小春肅肅旌旗懸日月悠
悠道路淨埃塵沾

皇清文穎

卷七十一 詩

十一

恩拜舞連千里戴

澤歡呼遍萬民共喜陽和生

帝輦太平處處沐

深仁

迎

駕

淳度親王允祐

聖朝雨露遍遐方天上

變迴日月光自是人間心共慰况當

膝下喜彌長千官敬迓雲旗下萬姓歡呼

玉輦傍遙識瑞烟兼紫氣相隨一路報嘉祥

恭祝

兄雍親王壽

怡賢親王允祥

朱邸筵開介壽時

九重恩眷集繁禧純誠自是承

歡本仁厚端爲受福基三島露濃培玉樹小春風暖

護璫芝年年願傍青鸞隊拜獻南山祝嘏詞

皇清文頌

卷七十一 詩

十三

奉和

兄雍親王早起寄都中諸弟元韻

怡賢親王允祥

涼風習習捲紗帷花影剛隨日影移紈扇罷揮知暑

退衿衣初試覺秋遲喜聞魚雁傳芳訊更捧珠璣慰

遠思屈指郵亭迓歸騎洗塵先奉酒盈卮

奉和

兄雍親王由居偶成元韻

怡賢親王允祥

蓮漏無聲鳥不譁山中習靜味偏賒閒尋別院新栽

竹坐數前溪未放花小嶺日高松影直方塘風過水

紋斜太平盛世身多暇著展攜筇踏淺沙

奉和

兄雍親王春園讀書元韻

怡賢親王允祥

紫燕穿簾西復東一庭柳絮颺春風書開緗帙迎新

綠硯試端溪點落紅雨霽霞光明戶牖日斜香篆出

房櫳分陰珍重攻文史益信前賢蘊不窮

皇清文頌

卷七十一 詩

十四

題樂志圖

莊親王允祿

安榮全荷

聖恩周樂志園成不外謀勺水拳山藏曲折小亭疎

檻足優游野花隨意憑開謝嘉客忘懷任去留大隱

須知城市穩個中容與更何求

子弘普荷

聖恩頒賜名茶綵扇等珍物詩以勉之

莊親王允祿

擎來珍品自

瑤宮盡室欣傳

聖澤隆咫尺

天顏聆

寶訓片時

溫語沐

仁風伏知

帝德真無際仰報

皇清文穎 卷七十一 詩

五

皇恩在此中感頌衷情難悉展惟宜黽勉讀書工

嘉陵江舟行

果毅親王允禮

千里江聲一艇收

唐元微之有千里嘉陵江水聲句

水牕烟景接山

郵桃花新漲驚雷轉石黛蒼波到海流

韋應物聽嘉陵江水聲詩

雷轉空山驚杜甫詩嘉陵江色何所似右黛碧玉相因依又元微之詩蒼溪縣下嘉陵水入峽穿江到海

流秀疊錦屏長不捲

錦屏山在嘉陵江南峽天清月峽曲相投

朱欄青壁重重數絕勝凝眸望喜樓

熱河

行宮應

制

果毅親王允禮

灤河北拱萬山層別殿輕颺掃鬱蒸

清蹕朝從黃道出天階遙見紫雲凝披襟風拂瑤林

樹入座涼生玉盃水觀稼省耕真樂事舜絃聲裏頌

升恒

嘉穀二首

果毅親王允禮

六御巡秋出上方中田省飲重農祥零灑玉露連莖

皇清文穎 卷七十一 詩

六

秀掩冉金風五穗香龍尾

賜觀誇頡栗豚蹄稱祝滿倉箱嘉禾篇帙今遺逸願

續幽風譜樂章

國寶民天重歲時嘉生同穎自離披江茅無用誇三

脊隴麥還看秀兩岐穀熟名鄉稱上瑞禾興改邑叶

昌期

聖朝原不徵符緯寒暑惟求免怨咨

新燕

果毅親王允祐

草香微透綠萼萼掠地紅襟一剪齊簾影乍晴春社
雨梁痕仍帶去年泥客心戀主非無定絮語依人不
厭低試逐流鶯尋好處上林近在

鳳城西

帝京十景詩

果毅親王允禮

瓊島春雲

青帝迴鑾入太微瑤峰面面覆雲衣爲霖有意晴還
濕出岫無心暖未歸乍見金枝蟠翠嶺旋看紫蓋護

皇清文穎

卷七十一 詩

七

彤屏從龍霄漢非難事五色時時傍

六飛

太液晴波

榮光五色帝時多魚藻詩成發棹歌織女機絲通漢
水影娥臺榭瞰汾河

翠華高揭空中月彩樾遙添雨後波浪說瀛洲遶禪

海蓬萊一水碧嵯峨

居庸疊翠

太行東下勢如奔三疊高臺虎豹蹲到海仍鞭蒼石
去際天惟度白雲痕車書萬里通南服鎖鑰千秋壯
北門迴首狼烟都不聳桑麻影裏罷邊屯

薊門烟樹

薊邱雨過碧雲橫遠樹迷離逗早晴日射柔條含靄
重風吹眠柳著烟輕透春嬌鳥花間哢碾碧香車鏡
裏行最是陽和多景物浮埃不動酒旗平

西山霽雪

皇清文穎

卷七十一 詩

大

羣玉山頭望欲空

帝城雲母列屏風花開瓊樹輕烟散玉滿藍田曉日

烘芝草谷深迷四皓

御爐香暖醉三公仙郎白雪今猶和盡與終南景色
同

盧溝曉月

太白離離北斗橫修途輿馬戒裝行淒迷寒月征人
影斷續荒雞旅店聲南服長征通魯衛東流分派入

幽并石欄橋下周京路十里晴沙似掌平

金臺夕照

蕭條落葉隔溪聞寂寞荒臺一徑分暮靄橫空遮遠
樹歸鴉將子入重雲雄師已壓齊東郡駿馬應空冀
北羣惆悵千年一回首高城白草自斜曛

玉泉垂虹

石磴盤紆走白虹泠泠環珮和松風乍看瀲灩空中
瀉應有江河絕頂通練影平分高碧翠落花低逐

皇清文穎

卷七十一 詩

五

御溝紅錦京自昔神靈宅渥澗東西輯瑞同

南園秋風

十二離宮木葉稀

宸遊玉輅繞朱旗秋分銀漢傳清露天上金莖傍紫
微御柳眠時新雁過渚蓮稀處野鷗飛鄒枚侍從多
情豫別苑時時望
袞衣

東郊時雨

春日橫塘翠潏添菖蒲如戟綠芊芊燕棲茅舍泥猶

濕鳩拂桑林羽未便南陌遊人雙屐雨東畝田叟一
簑烟陰陽無復憂愆伏珥筆應書大有年

春草

果毅親王允禮

不辨江離與杜蘅東風吹處一時生西湖冉冉尋芳
路南浦萋萋送客情細雨迷離添杳靄夕陽掩映更
分明垂鞭最憶花時節河畔青青縱馬行

題唐六如畫漁翁卽用六如自題原韻

皇清文穎

卷七十一 詩

三

果毅親王允禮

一櫂烟波是勝遊投竿舉網日悠悠歌殘桃柳三更
月醉遍蒹葭萬頃秋雨滴孤篷應破夢風飄長笛總
無愁全家盡識滄洲趣嘯傲同登舴艋舟

賦得風來花自舞

誠親王允祜

衆卉鮮妍不染塵和風披拂到嚙頻千枝駘蕩全無
力萬朶輕盈別有神曲徑飄來香婉轉方塘映去體
停勻春園到處皆堪賞何事歌臺美舞人

冬至早朝

誠親王允祜

律轉升新佳氣催玉繩遙報早春回日臨錦戶初添
線雪霽香階欲放梅曉景氤氳凝

殿闕雲光燦爛護蓬萊千官拜舞

瑤墀下華祝嵩呼獻

壽杯

賦得斜日半江明

誠親王允祜

一片澄波晚霽鮮斜陽掩映半川前暉殘遠岫橫江

皇清文頌

卷七十一 詩

三

度影入歸帆傍听牽水色溟濛連暮靄山村暮歷帶
炊烟樓頭極目長天外轉訝陰晴著景偏

賦得草色入簾青

誠親王允祜

禁院風和曙景微一簾晴影帶朝暉階前細草承金
佩砌下芳茵映錦幃綠雜苔痕長入戶曉含露顆欲
沾衣小齋自覺延幽賞彷彿平郊麥浪肥

松風

誠親王允祜

幾度風吹庭院清松枝瀟灑泛濤聲濃排山面千重

嶂翠掃林間萬壑鳴野鶴驚飛凌碧落仙人乘馭下
蓬瀛最憐入夜供清聽還勝新篁奏管笙

春波泛艇

誠親王允祜

淑景銜波滑笏流晴光靄靄泛輕舟遠橫畧約如虹
影綠漲平塘似鴨頭烟柳舒條垂短岸新萍牽蔓漾
芳洲數聲欸乃臨溪度驚起前灘兩兩鷗

霜柳

誠親王允祜

瑟瑟微颺度柳寒霜摧落葉滿溪灘烟浮遠岸秋容
淡風過疎林碧縷殘幾處青山空暮靄一灣碧澗自
清瀾迴思旖旎三春日倏忽經今不忍看

皇清文頌

卷七十一 詩

三

皇清文穎卷七十二

詩

七言律詩

重陽

乾清宮侍宴賦詩恭紀

和親王弘晝

九日筵開煥彩霓承

恩叨侍未央西韻分秘冊親臣送序灑

天章御筆題獻瑞金英凝雨露傳觴玉液浸玻瓈載

皇清文穎

卷七十二 詩

廣既醉歡無極捧日紅雲繞殿低

柳絮

和親王弘晝

垂楊千樹翠成團腕地柔絲拂落暉春晚漸催花信

去絮輕還傍綠陰飛隨風蕩漾侵簾近度水飄搖點

石稀幾度餘寒還料峭可堪供緝薄綿衣

賦得柴門臨水稻花香

和親王弘晝

隱隱江村有數家柴門向處稻初花隴頭經雨香纔

透膝畔迎風穗欲斜溪水一灣臨曉鏡笙歌千部聽

鳴蚌今年彌望平疇好祝滿篝車願未奢

十月朔頒時憲書

和親王弘晝

正朔頒來瑞氣新仙萸一莢長

楓宸垂衣拱手瀛寰治欽昊勤民節序均九有山川

歸禹服萬邦時月協虞巡在廷稽拜齊虔祝

寶祚長綿萬歲春

晴雪早朝

和親王弘晝

積素凝輝繞禁林丹墀濟濟列冠簪天邊輕散初陽

皇清文穎

卷七十二 詩

彩殿上遙傳雅樂音佩玉聲傳殘漏度爐烟暖辟曉

寒侵

九重德意如春普虎拜同傾向日心

燕山八景

和親王弘晝

龍從瓊島矗層空點綴春陰勝畫工瑞氣繽紛瑤草

綠祥光繚繞玉芝紅露華不墜高峰濕煙翠輕披茂

樹籠最是

宸遊佳麗處時聞簫管五雲中

瓊島春陰

西風涼入景澄鮮太液波搖散曙烟亂颭荷珠驚白

鷺斜催雁字沒遙天岸傍蟬咽疎林響水面魚吹翠

帶牽無限遐心何處着蒹葭玉露思悠然

太液秋風

凌空瀉處玉龍飛靄靄晴雲掩映宜似練遠從千澗

落如虹直向九天垂停泓原有盈科勢濺沫非無潤

物時坐對更添吟賞趣斜陽紅抹影參差

玉泉垂虹

千岫參差

帝闕西銀屏一派素輝齊樹枝盡是瓊葩綴樵路都

皇清文頌

卷七十二 詩

三

爲玉屑迷淡抹晴霞渾似綺暗融朝日未成泥豐亨

來歲端堪卜綏鍵祥雲入望低

西山晴雪

迢遞郊原古薊門森濃樹色帶烟昏長空低接迷濃

淡遠郭平拖互吐吞渺渺綠蕪連

帝里重重翠黛映山村南樓極目渾難辨一幅青山

渲染痕

薊門烟樹

晨鐘初動曉蒼蒼月照蘆溝白似霜車馬縱橫連倒

影星河疎淡黯清光往來人跡長橋上斷續鷄鳴曲

岸傍指顧

帝城佳氣繞千村燈色已輝煌

蘆溝曉月

居庸萬仞勢崢嶸地設天開聲

帝京樹影籠葱烟乍散山光紫翠日初生古原近帶

溪流急碧落遙看雁陣橫形勝何須誇百二好憑渥

澤被寰瀛

居庸疊翠

崔嵬遺跡仰金臺燕趙山河一望開閒挂斜陽催晚

去還看暮影逐烟來餘霞片片浮紅綺歸鳥聲聲度

皇清文頌

卷七十二 詩

四

綠槐厚禮招賢成已事樂生端的不凡才

金臺夕照

賜柑恭紀

和親王弘晝

千頭封蠟自江南異味新嘗齒頰甘皮燦朱囊香細

細瓢分瓊片數三三

頒來祇覺清芬滿壁處還看翠液含自是

聖恩常廣洽上元未到便傳柑

賜哈密瓜恭紀

和親王弘晝

聖澤旁敷豈有涯西藩土物獻

皇家禁中薦處初呈味盤裏分來並拜嘉香霧霏霏
清撲鼻甘泉蔽蔽冷侵牙舊聞五色傳佳種從此東
陵未足誇

賦得青山長對卷簾時 和親王弘晝

院落無塵愜素心蒼苔綠樹映森森門迎黛色層峰
近簾卷春風列嶂深橫繞嵐烟三面畫暗分巒影一
堦陰閒來書簡披吟處字裏長疑翠色侵

雍正七年十一月某日闕里

皇清文穎 卷七十二 詩

五

文廟上梁前二日慶雲見

上躬詣太學致祭用答鴻休恭紀二首

和親王弘晝

變興夙駕瑞烟披華蓋續紛映彩旂

天賜祥雲輝闕里

帝陳盛典饗

先師隆文萬古瞻

昭代釋奠三雍仰

令儀自此儒風光日月欽崇不數漢唐時

廟貌新崇煥棟梁慶雲五色麗祥光非徒紉纓呈佳
瑞可識離明動上蒼

聖主欽儒隆典制英才際會合騰驤只今釋奠成均
日爐竈紛披禮樂彰

古柏 和親王弘晝

古柏橫斜布翠陰卧龍盤鳳鬱森森高枝百尺凌寒
皴黛色千重映碧潯翠傲霜風知勁節紋纏苔鮮見

皇清文穎 卷七十二 詩

六

貞心孤高未許尋常友只有庭前綠玉簪

喜雨二首 和親王弘晝

雲氣冥濛欲潤衣及時靈雨灑霏微香衢輕壓紅塵
靜麥坂齊翻翠浪肥巧燕戀巢飛屋角牧童袖笛向
柴扉濯枝潤葉饒生趣

聖德通天天不違

精誠何用禱西宮默感穹蒼慰

聖衷萬頃平疇搖碧浪一天霖雨降鴻濛無風却喜